

進

○大簇

○大呂


○黃鍾

火

道藏輯要

法

象



○夾鍾

○姑洗

○中呂

進火詩曰

子時起火癸時潛此是晨朝進火篇呼應陰陽宜默默息調出入務綿綿陽爻二百一十六卦合復臨泰夬乾刻漏不差時節應炎炎火裏長紅蓮

仙翁此詩備露火候起伏之秘大爲詳切自是愚人不知耳子時起火癸時潛此是晨朝進火篇呼應陰陽宜默默息調出入務綿綿者子爲一晝之首火候起緒之時也自子至己運行陽火之候爲朝爲早屯卦直符也夫運火者精調氣候幹運天罡順陰陽四時代謝之機明天地五行生尅之理呼宜默默息用綿綿莊子云眾人之息以喉真人之息以踵是

道藏輯要

金液還丹印證圖詩

三

胃集十一  
二一三

也玉蟾老仙云閉極則失於急縱放則失於蕩真一子所謂定刻漏分晷時簇陰陽走神鬼蹙三千六百之正氣回七十二候之要津運六十四卦之陰符鼓二十四氣之陽火天關在手地軸由心天地不能匿造化之機陰陽不能藏亭毒之本致使神變無方化生純粹者也無名子曰金宮旣砂汞之不萌一鼎乃蟲螟之互起大則山崩地圯金虎與木龍飛騰小則雨驟風漂坎男共離女奔逸此皆可喻修丹之士鍊已純熟勿使火候差失也可不慎乎夫復☳者一陽之卦也以年喻之則斗柄指子十一月也以律言之則黃鍾是也以節比之則冬至小寒也以候應之則鷓鴣不鳴後五日虎始交

又五日荔挺出又五日蚯蚓結又五日麋角解又五日水泉動也以時明之則夜半子也以月體之則初一初二初三半也以卦象之則屯蒙需訟師也以火用之則進一陽候也臨☱者二陽之卦也以年喻之則斗柄指丑十二月也以律言之則大呂是也以節比之則大寒立春也以候應之則鷹北鄉後五日鵲始巢又五日雉雊又五日雞乳又五日征鳥厲疾又五日水澤堅也以時明之則鷄鳴丑也以月體之則初三半初四初五也以卦象之則比小畜履泰否也以火用之則進二陽候也泰☱者三陽之卦也以年喻之則斗柄指寅正月也以律言之則太簇是也以節比之則雨水驚蟄也以

道藏輯要

金液還丹印證圖詩

元

胃集十一  
上上之

候應之則東風解凍後五日蟄蟲始振又五日魚陟負冰又五日獺祭魚又五日候鷹北又五日草木萌動也以時明之則平旦寅也以月體之則初六初七初八半也以卦象之則同人大有謙豫隨也以火用之則進三陽候也大壯☱者四陽之卦也以年喻之則斗柄指卯二月也以律言之則夾鍾是也以節比之則春分清明也以候應之則桃始華後五日鶉鷄鳴又五日鷹化爲鳩又五日玄鳥至又五日雷乃發聲又五日始電也以時明之則日出卯也以月體之則初八半初九初十也以卦象之則蠱臨觀噬嗑賁也以火用之則四陽沐浴候也夬☱者五陽之卦也以年喻之則斗柄指辰三

月也以律言之則姑洗是也以節比之則穀雨立夏也以候應之則桐始華後五日田鼠化爲鴛又五日虹始現又五日萍始生又五日鳴鳩拂其羽又五日戴勝降於桑也以時明之則食時辰也以月體之則十一十二十三半也以卦象之則剝復無妄大畜頤也以火用之則進五陽候也乾☰者六陽純乾之卦也以年喻之則斗柄指巳四月也以律言之則中呂是也以節比之則小滿芒種也以候應之則螻蟈鳴後五日蚯蚓出又五日王瓜生又五日苦菜秀又五日靡草死又五日麥秋至也以時明之則禺中巳也以月體之則十三半十四十五也以卦象之則大過咸恒遯大壯也以火用之則進六陽候也此乃晨朝進火之篇陽爻二百一十六也刻漏不差時節有准則炎炎火裏黃芽毓秀長出金蓮也